



5. februar 2009

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

SANA-mi pissutsinut toqqissisimanangitsunut tunngatillugu Naalakkersuisunut apeqquteqaat

(Inatsisartunut ilaasortaq Astrid Fleischer Rex, Demokraatit)

“Ajutuuvinnissap tungaanut ingerlavugut”

SANA-mi nakorsaanerit ittuat, Knud Erik Kleist, Sermitsiaq.gl-imut 4. februar 2009 taama erseqqitsigisumik oqaaseqarpoq.

Taamatut oqaaseqaateqarnermut Dronning Ingrid-ip Nappasimmavissuani Nuummiittumi sulisut assigiinngitsukkuutaartut tamarmiusut 4.februar ullaavani ataatsimiigiaqquneqarnerat tunuliaqutarineqarpoq. Ataatsimiigiaqqusineq Knud Erik Kleist-ip siumut pilersaaruisioqqaarnagu ataatsimiinnertut taavaa.

Ataatsimiinnermut peqqutaavoq sygeplejerskenik amigaateqanerujussuaq, tamatumalu kungunerisimavaa napparsimmavissuarmi immikoortortaqrarfiit arlaqartut matuneqarnerat kiisalu napparsimasut ingerlaannartumik suliarineqarnissamik pisariaqartitsinngitsut unikkiartortinnerisa atorunnaarsinneqarnerat.

Naalakkersuisut pissutsit taamatut ilisimanagerat pinngitsoortissimanngimmassuk Demokraatit tunngaanniit eqqarsarnartoqartutut nalilerusupparput. SANA-mi pissutsit taamatut iliartorlutik aallartimmatali ilisimaneqalermallu Inatsisartunut ilaasortat arlaqartut tamanna pillugu Naalakkersuisunut apeqquteqaateqartarsimapput. Apeqquteqaateqarnerit Naalakkersuisut qanoq iliuseqarnerannik kinguneqarsimasariaqaralarpoq. Kisiannili tamanna pisimanngilaq, tamannalu pissutigalugu Ilaqutariinnut Peqqinnissamullu Naalakkersuisumut sakkortuumik uparuaateqarnermik oqariartuuteqarnissamut tunngavissaqalersimammatt Demokraatit pissusissamisoorututut isigaat.

Taamaattumillu tamanna aallaavigalugu Naalakkersuisut apeqqutinik makkunangga apeqquteqarfiginissaat pisariaqarlerpoq.

SANA-mi pissutsit ajorsiaruinnarnissat pinngitsoortinniarlugu Naalakkersuisut sunik qanoq iliuseqarsimappat? Naalakkersuisut qinnuvigineqassapput qanoq iliuserisimasatik pillugit nasuiaateqaqqullugit, kiisalu sooq tamakkua qanoq iliuserisimagaluartut iluatsinngitsoornersut nassuiarnissaat kissaatigineqarpoq.

SANA-ni nakorsaanerit pisortaata, Knud Erik Kleist-ip ajutuuvinnissamik ernummateqarneratut pisoqarnissaa pinngitsoortinniarlugu Naalakkersuisut qanoq iliuseqassamaarpat?



DEMOKRAATIT
DEMOKRATERNE

Naalakkersuisut akissuteqarnissaminnut atatillugu qinnuvigineqassapput massakkorpiaq ajutuinnissamik pinngitsoortitsiniarlutik qanoq iliornissartik, kiisalu siunissaq ungasinnerusoq eqqaarsaatigalugu qanoq iliornissartik nassuiaateqarfigeqqullugit.

SANA-mi pissutsit ajorsivissimasut, oktober 2008-mili tamanit ilisimaneqalereersimasoq, pil-lugu Naalakkerusuisut nammineerlutik suliniutigisimasatik qanoq nalilerpaat, tassami pissutsit taamatut iliartornerat Naalakkersuisut piffissami sivisunerusumi ilisimareersimammassuk?

Naalakkersuisunit apeqquteqaatikka ullut suliffiusut qulit qaangiutsinnagit akissutiqarfiginissaat kissaatigaakka.